


# REVISTA SITUASAUN: Fevereiro 2012

**ASUNTU NE'EBE PRESIJA  
ATENSAUN FULAN IDA NE'E:**

- Soe Bomba Marotok iha Edifisio CNE no STAE
- Preokupasaun involvementu elementus F-FDTL no PNTL iha konfliktu
- Violensia relasionadu ho Juventude

## ASUNTU NE'EBÉ PRESIJA ATENSAUN

### Total Insidentes Ne'ebé Relata



Analiza dadus husi distritu 13<sup>1</sup>, hatudu katak dinamika konfliktu nafatin ankotese, no laiha mudansa signifikante husi fulan ba fulan. Maibé ida ne'e mak signal pozitivu tamba besik tempu eleisaun la iha eskalasaun número insidentes ne'ebé aas.

<sup>1</sup> Iha Fev 2012 programa AtReS aumenta ba sub-distritu 43 hodi inklui subdistritu Nitibe iha Oecusse. Maske nunee Revista Situasaun fulan-fulan sei koko inklui dadus husi subdistritu 65

## TENDENSIA KONFLITUS

### Aktividades Partidu Politika



Durante fulan Feveireu, nota katak atividade konsolidasaun struktura partidu politika iha pasu pozitivu tanba la hamosu tensaun konfliktu iha komunidadade. Parte seluk kandidatu prezidenti Manuel Tilman ho Fransisco Gomes la bele hala'o kampaña tuir orario tanba seidak hetan apoiu orsamentu husi CNE. Iha loraon premeiru hahu kampaña prezidensial, dia 29 Feveireu, iha Liquiça Vila apoiante sira husi Kandidatu Prezidente Sr. Taur Matan Ruak tara spanduk ida ne'ebé taka fali spanduk ida Dr. José Ramos-Horta-nian ne'ebé tara tiha ona iha dalan. Iha loraon hanesan, resolve problema entre apoiante sira Iha loraon hanesan observa katak labarik barak participa iha atividade kampaña. Evidensia mós hatudu katak iha kareta balu ne'ebé laiha sapa matrikula utiliza no para iha fatin kampaña. Nune'e mós partisipante kampana sira ne'ebe utiliza motorizada la uza helem, maibé polisia la foti medida ba atetudi hirak ne'e.

### Ema Deskuñesidu Soe Bomba Marotok iha Edifisio STAE no CNE

Iha dia 20 de Feveireu 2012, akontese insidente tolu ligasaun ho ema deskuñesidu soe bomba marotok. Dahuluk, iha oras tuku ida liu minutu lima nullu madrugada iha Edifisio STAE, ema ida ho motor halai no soe bomba marotok ba iha Edifisio STAE campao laran. Daruak iha Edifisio CNE iha oras tuku rua minutu hat nullu madrugada. Iha loraon hanesan iha Aldeia Bairo Formoza, Suku Grisen for, kareta Polisia UNPOL nian ida mos hetan estraga tanba ema deskuñesidu soe bomba ba kareta laran. Relasionadu ho insidente ne'e mosu preokupasaun iha komunidadade konaba siguransa iha rai laran no konaba dinamika tensaun politika ne'ebé bele mosu violensia derepente. Entertantu insidente ne'e hotu, Polisia halo ona prosesu investigasaun hodi hatene konaba motivu husi akontesementu ne'e. Edifisio STAE mos sai nuudar tarjetu insidente konfliktu iha eleisaun uluk. Iha momentu atu tama eleisaun 2007 funcionáriu STAE ida husi Lospalos hetan oho husi ema deskuñesidu. Maske Komandante Jerál PNTL reafirma katak soe bomba marotok ne'e kazu ki'ik, (Jornal Timor Post, 27 Fev 2012) maibé importante mak oinsa atu halo prevensaun iha futuru oinsa. Insidente akontese iha kalan indika nesidade seguransa ba edifisio STAE no CNE durante 24 oras.



### Involvementu Autor Siguransa iha Konflitu

Autóres setor siguransa mak hetan fiar no iha responsabilidade atu proteze no hametin comunidade, maibé involvementu iha asaun violénsia husi fulan ba fulan laiha mudansa. Insidente iha dia 18 de febreiru 2012, iha Aldeia Lao Rai, Suku Kuluhun, Subdistritu Cristu Rei, membru F-FDTL hamutuk ho joventude nain ida halo asaltu fisiku ba juventude ida wainhira membru F-FDTL no joventude ne'e ho motor soke malu iha dalan. Impaktu husi insidente ne'e joven mane ne'e hetan kanek. Insidente ne'e joven mane ne'ebé hetan asaltu hato'o ona keisa ba iha Polisia. Maibé to'o relatorio fo sai seidak iha konfirmasaun konaba prosesu formal oinsa. Nune'e mos iha dia 18 de febreiru 2012, iha Aldeia Zero II Bedik, Suku Fatuhada, Subdistritu Don Aleixo, akontese membru Polisia Maritima ida ho motor soke Xefe Aldeia Zero III, hafoin membru Polisia ne'e para motor, lori helem baku Xefe Aldeia ne'e. Impaktu Xefe Aldeia nia nihan musan rua monu. Insidente ne'e resolve tuir familia deit.

### ASUNTU NE'EBÉ PRESIZA ATENSAUN

#### Konflitu ne'ebé Involve Lideransa Komunitaria

Maske lideransa komuntaria dala barak aktivamentu resposta sedu ba insidente ne'ebé akontese, maibé dados hatudu katak lideransa mos sai hanesan autor nomos vitima ba konflitu. Iha Subdistritu Laleia (Manatutu), Xefe Aldeia baku kundotor kaer kareta anguna, tamba lori

pasejeirus lao kalan. Iha Subdistritu Maubisse distritu Ainaro, comunidade hadau motorizada Xefe Suku nian tamba sira la konkorda katak Xefe Aldeia utuliza restu foos ne'ebé hetan apoio hosi MSS hodi fahe ba ema vulneravle sira, no hela restu saka 10 Xefe Aldeia utuliza hodi uza fo ba ema halo aktividade ke'e estrada. Iha Subdistritu Lospalos Vila, joven mane ida ameasa tudik atu sona Xefe Aldeia, wainhira xefe Aldeia faselita hela mediasaun ka kazu.

#### Konflitu entre Estudante ho Edukador

Durante fulan Febreiru estudante sira identifika nudar autor ba violensia hanesan iha dia 4 de febreiru 2012, iha Aldeia Lutumutu, Suku Trilolo, Subdistritu Baucau, estudante ida husi eskola SMA 2 Baucau baku nia mestri, tamba mestri tesi at nia fuk. Iha dia 14 febreiru 2012, iha Eskola Presecundaria Beloi, Suku Carau Balu, Aldeia Manehat, sub distritu Viqueque Vila, baku malu entre estudante bainhira halo festa komemora loron Valentine's Day festa iha eskola. Nune'e mos iha dia 16 de febreiru 2012, iha Aldeia Manu Fuik, Suku Colmera, Subdistritu Vera Cruz, distritu Dili estudante husi Universidade Nasionál Timor-Lorosa'e (UNTL) tuda malu iha abertura orientasaun akademiku. Parte seluk profesora ida mos uza dalan violensia hodi eduka alunus hanesan akontese iha dia 4 de febreiru 2012, iha Aldeia Kolo-Kau, Suku Uma-Berloik, Subdistritu Alas, Profesora ida baku Estudante ida to hasan metan tamba la halo tuir regras eskola nian.

### TENDENSIA KONFLITU

#### Insidente ne'ebé Involve Joven (11)

Komparasaun insidente husi fulan Janeiru-Febreiru (husi insidente 14 tunba insidente 11). Maibé kontagen número insidente iha fulan Janeiru-Febreiru husi Distritu 13, Distritu ne'ebé número la muda mak Aileu (1-1). Distritu ne'ebé número aumenta mak Dili (husi insidente 4 sa'e ba insidente 7); Ainaro (husi insidente sa'e ba insidente 2). Distritu ne'ebé relata menus mak Viqueque (husi insidente 4 tun bainsidente 1); Manufahi (husi insidente 3 tun ba 0); Bobonaru (husi insidente 1 tun ba 0). Distritu ne'ebé relata laiha insidente iha fulan Janeiru- febreiru mak hanesan Distritu Ermera, Baucau, Manatutu, Oe-cusse no Distritu Liquiça. Analiza dados ba número insidente sira ne'e, hatudu Distritu Dili ne'ebé mosu insidente violénsia akontese bei-beik tamba konsentrasaun populasan no dinamika urbanu seluk mos hola parte. Motivun husi insidente 11 ne'ebé akontese iha fulan febreiru, iha insidente (2) tamba domin ou hadau malu namora; insidente (6) tamba odio malu; insidente (2) tamba dansa iha festa; insidente (1) tamba joga bola. Impaktu husi insidente sira ne'e ema nain (7) hetan kanek no insidente (1) halo impaktu comunidade nia uma estraga. Asaun resposta ba insidente ne'e, Polisia hatan ba insidente (7); Xefe Juventude Bairro hatan ba insidente (1); no insidente (3) laiha resposta.

### TENDENCIA KONFLITU

#### Insidente Relasionadu ho Tua Manas (9)

Bazeia ba numeru insidente ne'ebé laiha mudansa signifikante husi fulan ba fulan, bele nota katak konsumu tua, sai tiha ona toman ne'ebé jeralmete eziste iha comunidade. Maioria mane sira aumenta liu tan iha sira nia atividade ligasaun ho hemu tua ho aktus violénsia forte nafatin. Hanesan insidente ne'ebé akontese iha dia 13 de Fevereiro 2012, iha Aldeia Lilapuhu, Suku Home, Subdistritu Lospalos, grupu joven asalta malu ho dima no katana bainhira hemu tua lanu. Insidente ne'ebé rezulta ema kanek akontese iha Subdistritu Laulara (Aileu), Laga (Baucau), Ainaro Vila (Ainaro) no Subdistritu Lahomea (Covalima).

#### Insidente ne'ebé involve Grupu Arte Marsiais (3)

Insidente entre grupu arte marsiais peridu Outubru 2011-Fevereiro 2012 (4-3-6-1-3). Depois de desizaun Konselho Ministru fo suspensaun iha fulan Dezembru, ba grupu arte marsiais ne'ebé halo problema, hatudu rezultadu pozitivu iha fulan Janeiru 2012 iha insidente (2) deit ne'ebé akontese iha Suku Comoro distritu Dili no iha Aldeia Pipgalag I, Suku Memo, Subdistritu Maliana. Maibé iha Fevereiro 2012, konfrontusaun iha Subdistritu Bazartete Distritu Liquiçase to'o insidente 3. Iha dia 3 de Fevereiro 2012, iha Aldeia Nartutu, suku Maumeta, (Bazertete, Liquiça) akontese mane nain ualu hanesan grupu artemarsiais hamutuk baku membru mane nain ida husi

grupu arte marsiais seluk. Iha dia 15 de Fevereiro 2012, iha Aldeia Mausoi, Suku Tibar, subdistritu Bazartete distritu Liquisa, akontese konfrontusaun entre grupu arte marsiais. Insidente ne'e ligasaun ho insidente dahuluk iha dia 18 de Dezembru 2011, iha suku Tibar, ne'ebe rezulta ema ida hetan kanek. No iha dia 16 de Fevereiro grupu arte marsiais parte rua ne'e kontinua halo provokasaun ba malu, maibé la rezulta kanek iha insidente ne'e. Polisia hatudu progresu positivu ba halo prosesu investigasaun ba autor ne'ebé involve iha konflitu inklui membru PNTL balu mós.



tamba nia feton maka foti tiha nia alin mane-nia osan martir. Impaktu relasaun familia la diak no laiha parte ruma rezolve problema ne'e.

### ASSUNTU NE'EBÉ PRESIZA ATENSAUN

#### Atividade Pensaun ba Familia Martir

Maske laiha kazu barak mak observa ona, isu konaba pensaun husi Governu sai nafatin disputa iha comunidade. Iha dia 7 de Fevereiro 2012, iha Aldeia Ainaro, Suku Ainaro, Subdistritu Ainaro, distritu Ainaro mane ida basa tuku no kaer katana hodi ameasa nia feton

#### Insidente Relasionadu ho Membru Familia (3)

Kontagen insidente ligasaun ho membru familia tun husi hitu ba tolu. Insidente rua akontese iha dia 2 de Fevereiro 2012. Dahuluk iha Aldeia Atres, Suku Talimor, hafoin konitnua akontese iha Aldeia Erbihiut, Suku Lauala, Subdistritu Ermera, distritu Ermera. Insidente rua ne'e iha ligasaun ba malu ho abut problema tanba mane ida koko atu bok feto kaben nain ida. Tanba ne'e ho apoiu husi familia feto kaben nain ne'e halo asaun hasoru kontra mane ne'e hodi baku to'o hetan bubu iha oin. Kazu ne'e Polisia halo ona prosesu investigasaun. Insidente ida akontese iha dia 25 de Fevereiro 2012, iha Aldeia Abani, Suku Passabe, Subdistritu Passabe, distritu Enclave Oecusse. Motivun husi insidente ligasaun ho violénsia Domestik, hafoin involve familia iha insidente ida. Impaktu husi insidente ne'e estraga uma ida nomos relasaun parte rua ladiak. Insidente ne'e seidak iha responde husi parte ruma.

## ASSUNTU NE'EBÉ PRESIZA ATENSAUN

### Krimi Seluk

Iha dia 23 de Feveireiru 2012, iha Aldeia Konsin, Suku Fatisi, Subdistritu Lulara, Distritu Aileu mane ida halo an hanesan Ninja, taka oin metin lori ai tomak baku señoira nain ida ho nia oan wainhira fila husi basar. Iha Viqueque, dia 21 de Feveireiru 2012, iha eskola Nedere, Aldeia Uni-Uma, Suku Vessoru subdistritu Uatulari, feto ida lori tudik sona nia maluk feto ida, tanba suspeitu diskonfia vitima halo defamasan ba nia an. Iha Manufahi dia 27 de Feveireiru 2012, iha Aldeia Fahiluhan, Suku Hola rua, Subdistritu Same, Distritu Manufahi mane ida lori katana taa katuas ida nia reen tos sai to'o kanek. Iha dia 8 de Feveireiru 2012, iha Aldeia Aimerahun, Suku Asumau, Subdistritu Remexiu, akontese insidente Joven mane ida duni katuas ida koko atu baku no oho. Iha Distritu Liquiça iha insidente konflitu iha familia laran nain rua: Iha Subdistritu Bazartete, baku malu entre feto nain rua tanba akuza laen selingkuh (namora ho ema seluk). Iha Subdistritu Liquiça Vila, familia ida estraga hotu aihoris iha familia ida nia tos tanba diskonfia malu buan. Iha Subdistritu Ossu, Distritu Viqueque Pessoal EDTL nain rua baku-malu tanba sira nain rua diskuti malu konaba mekanismu servisu iha edifsio laran.

## RESPONDE BA KONFLITU

### Prevensaun ba Konflitu iha Komunidade

Belun fo apoiu ba Redi Prevensaun no Responde ba Konflitu (RPRK) subdistritu

## REVISTA SITUASAUN: Feveireiru 2012

Baucau Vila, hala'o eventu sosializaun ba iha suku 11, konaba prosesu lei eleitoral no prosesu kontajen de votus no prevene konflitu. Apresentasaun no diksusaun materia husi orador STAE, CNE, PNTL, PDHJ no Adminstradora Subdistritu Baucau. RPRK iha Ermera halao eventu Promove Tara Bandu hodi halo bandu ba violensia no praktika agrikultura no haburas lisan Timor Leste iha distritu Ermera. Nune'e mos iha Lautem RPRK realiza semináriu entre partidu politiku oinsa atu prevene konflitu liu prosesu leisaun, apresentasun orador husi Komandante Geral F-FDTL, CNE, PDHJ, no DNPCK.

### Eventu Nasional Harii Dame

Durante Feveireiru, Komisaun Nasional Eleitoral (CNE) realiza eventu asina Paktu Unidade Nasional entrepertidu politika iha Distritu Baucau, Aileu, Bobonaru, Viqueque, Lautem, Manatutu, Covalima no iha Dili. CRS no Komisaun Justisa e Pax halao eventu iha Dili "Marsa dame liu husi proseisaun ba releasaun ba orasaun loron 111 halao'o eleisaun no demokratiku iha Timor Leste ho tema " Muda o nia fuan Muda Mundu halao orasaun atu kria paz iha tempu elisaun".

## REVISAN KONA-BA SITUASAUN NE'E

Revisaun situasaun ne'e relata kona-ba assuntu xave relasiona ho insidente violensia no tendensia husi koleksaun data emerzencia liu husi sistema Atensaun no Responde Sedu (AtReS)-Timor-Leste durante Feveireiru 2012. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele klarifika ka update data ne'ebé ami iha liu husi AtReS. Hodi hetan infomasaun tan, favor email AtReS nia Program Manager: Marilia Oliveira da Costa: [bylah.belun@gmail.com](mailto:bylah.belun@gmail.com). Imajen © Jennifer Hill, Belun.